

六
典
通
考

六典通考卷一百三十三

湖西閻鎮珩輯

禮器考

車輅

天地之性人爲貴人生而有欲順其欲則安逆其欲則危太古之初質而已矣旣而隨物飾之以文見者無不稱其美蓋人之所欲存故也然天下之物有限而生人之欲無窮聖人者爲之度量節制損其有餘益其不足于是禮之事起焉禮者養也芻豢稻粱五味調香所以養口椒蘭芬苾所以養鼻雕琢刻鏤黼黻文章所以養目鐘鼓管磬琴瑟笙竽所以養耳疏房棖額牀第几筵

所以養體君子既得其養又好其別曷謂別曰貴賤有等長幼有差尊卑輕重各有稱故天子大路越席所以養體也側載皐芷所以養鼻也前有錯衡所以養目也和鸞之聲步中武夏趨中韶濩所以養耳也龍旗九旂所以養信也寢兕持虎蛟韞絲末彌龍所以養威也大路之馬倍至教順然後乘之所以養安也天下之人知夫天子之尊不可以妄干是以退然自省其欲而物無不足之患且夫天地之運既由質而日趨于文智者見爲有餘愚者見爲不足昔紂始爲象箸箕子聞之而嘆曰彼爲象箸必爲玉杯爲玉杯必思遠方珍怪之物而御之宮室輿馬之漸自此始不可振也故紂卒以亡而

世皆多箕子之明智豈非守禮君子之察微細而預知
天下之禍哉自周室既東禮亡于上僭作于下諸侯設
兩觀乘大路大夫冕而舞朱干玉戚其餘山節藻梲鏤
簠朱紘若茲之類不可以一二數孔子曰奢則不遜儉
則固與其不遜也寧固又曰惟名與器不可以假人曲
縣繁纓以朝不如多與之邑作禮器考曰車曰服曰儀
衛專以記天子之禮自五等而下詳具爵命考上古之
初聖人觀轉蓬而制輪輪行可載因爲輿或曰人皇氏
乘雲駕六羽出谷口卽今之車也其在天文北斗魁方
杓曲攬龍角爲帝車故庖犧氏則天畫卦而作大輿服
牛乘馬以利天下或曰黃帝始作車少昊始駕牛陶唐

氏制彤車乘白馬則馬駕之初也夏建旌旗以表貴賤
 周有六職百工居一一器而羣工致其巧車最居多明
 堂記曰駕車有虞氏之路也大路殷路也乘路周路也
 鸞有鸞和鈞有曲輿大路者木路春秋傳曰大路素鸞
 是也殷有山車之瑞制為大路禮緯曰山車垂句句曲
 也言不揉治而自曲也周因殷輅以制木輅約木以加
 飾為玉五輅

巾車王之五輅一曰玉輅錫樊纓十有再就建大常十有二
 旂以祀玉輅以玉飾諸末錫馬面當盧刻金為之所謂饗錫
 就就成也大常九旗之畫日也纓今馬轡玉輅之樊及纓皆以五采屬飾之十二
 月者正幅為繆旂則屬焉金路鈎樊纓九就建大旂以賓
 同姓以封金路以金飾諸末鈎蜚領之鈎也金路無錫有鈎
 亦以金為之其樊及以五采屬飾之而九成大旂

九旗之畫

交龍者

象路朱樊纓七就建大赤以朝異姓以封

象路以象飾諸

末象路無鈎以朱飾勒而已其樊及纓以

五采路飾之以七成

大赤九旗之通帛

革路龍勒條纓五

就建大白以卽我以封四衛

革路鞵之以革而漆之無他飾龍驤也以白黑飾韋雜色爲勒

其樊及纓以條絲飾之而

木路前樊鵠纓建大麾以田以封

五成

不言樊蓋字脫爾

木路前樊鵠纓建大麾以田以封

蕃國

木路不鞵以革漆之而已前淺黑色木路無龍勒以淺黑飾韋爲樊鵠色飾韋爲纓不言就數飾與革路同

禮書詩言鏤錫左傳言錫鸞和鈴莊周言齊之以月題錫

白金也鏤其文也月題其象也詩采芑曰鉤膺條革韓奕

曰鉤膺鏤錫鉤在膺前赤金爲之爾雅曰轡首謂之革詩

曰條革金厄儀禮士纓轡貝勒諸侯之條革有金厄

厄鳥也

士之勒有貝飾則王之革路有龍勒矣巾車行人言樊纓

禮記左傳皆作繁纓繁纓十有再就九就七就五就之別

此傳所謂游纓昭其數也杜預曰纓在馬膺前如素席則
纓非鞅也樊然爲鞅之飾耳考于詩方叔在征革路而有
鉤膺釋詩傳謂方叔乘金路然金路以封同姓而韓侯就
方叔不必同姓又非就封于其師中乘革路韓侯就
封象路而有鏤鏤是錫不特施于玉路鉤不特施于金路
也巾車言五者之飾皆其首面頰膺之著者故不及腹帶
鄭康成以樊爲鞶帶之鞶又以龍爲龙條爲幃前爲翦非
也纓蓋用組爲之與冠纓同五采一匝爲就與圭纁冕旒
之就同鄭司農以士喪馬纓三就爲削革三重康成謂樊
纓以五采蒔飾之又謂金路無錫有鉤鵠纓就數與革路
同殆不然也禮曰丹漆雕幾之美素車之乘詩曰路車有
奭毛氏曰奭赤貌路車之飾皆丹漆矣王祀天自國至大

次則乘玉路白大次升壇則乘素車猶之聽祭報以皮弁及祭則服大裘冕也

有以少爲貴者大路繁纓一就次路繁纓七就

大路繁纓一就殷祭天之

車也周禮玉路繁纓十有二就金路九就象路七就革路五就木路三就大路繁纓一就先路

三就次路五就

禮器言次路七就與此異字之誤也

大輅在賓階面綴輅在阼

階面

大輅玉綴輅金而前皆南向

先輅在左塾之前次輅在右塾之前

先象次輅木金玉象皆飾車木則無飾皆在輅寢門內左右塾前北而

禮書春秋傳與荀卿曰大輅越席禮器與郊特牲曰大輅

繁纓一就明堂位曰大路商路也孔子曰乘商之路皆木

路也然禮器郊特牲言大路繁纓一就則同言次路繁纓

五就七就則不同先王之路降殺以兩加多亦以兩而已

書言次路以兼木革二路則商之次路五就七就豈一車耶鄭氏以七就爲誤過矣夫綴路金路也以綴于玉路先路象路也以行道所先次路革路木路也以次于象路書先路在左塾之前而居西次路在右塾之前而居東春秋時鄭伯以先路三命之服賜子展以次路再命之服賜子產魯以先路三命之服賜晉三帥以一命之服賜司馬與師以下則先路貴于次路矣孔安國亦以先路爲象路諸侯有先路後路亦有大路樂記曰大路天子之路所以贈諸侯雜記諸侯之贈有乘黃大路相襍以後路與冕服先路與褰衣不以襍蓋諸侯之大路則金路猶熊侯謂之大夫侯春秋稱王賜晉文公以大路之服祝鮀言先王分魯

衛晉以大路王賜鄭子僑以大路王賜叔孫豹以大路杜氏以賜魯衛晉之大路皆金路賜穆叔子僑之大路是革木二路此不可考

秦平九國蕩滅典籍舊制多亡因金根車用金爲飾謂金根車而爲帝軫元旗良旂以從水德復法水數駕馬以六五子曰若朽索之馭六馬又制辟惡車執弓韋矢祓祓不祥太僕則六馬非始于秦令一人在車前執弓箭

漢氏因秦舊爲乘輿所謂乘般之路者也漢尊金根亦周之

玉路也乘輿金根車安車立車各五立乘曰高車坐乘曰安車高祖乘黃

屋左纛以黃繒爲蓋裏繒毛羽幢也在乘輿車衛左方注之武帝天漢四年始定輿服

之制郊祀所乘謂之大駕備車千乘騎萬匹其儀甚盛及王

莽篡位武車當軻車輪木也赤眉之亂文物無遺初漢有鸞旗車

編羽旄列繫幢傍銅作鸞鳥于車衡上小車曰鈴獵前有曲

輿不衣以虎皮為軒曰皮輶車赤皮為重蓋

後漢光武平公孫述獲葆車輿輦因舊制金根車輪皆朱班

重牙貳轂兩轄轂外復有一轂抱轄其外乃復設轄抱銅置

畫纆油繫金薄繆龍為輿倚較徐廣曰繆文錯之形也較在

于軸上文虎伏軾人所馮上者龍首御輓左右吉陽節鸞雀立衡金

烏于橫文畫駟羽蓋華蚤翠羽蓋華裏所謂黃屋車也金華

綜曰樹翠羽為蓋如雲龍施棟末有二十八枚即蓋弓也薛

矣金作華形莖皆低曲建大旂十二旂畫日月升龍駕六

馬象鑣鏤錫金鑣方鉤插翟尾金鑣馬冠也高廣各五寸上

也廣數寸在馬駿後後有三孔插翟尾其中顏延之幼語曰

鉤乘與馬頭上防鉤角所以防罔羅鉤以翟尾結駟象之也

朱兼樊纓赤屬易尊金就十有二左轸以龍牛尾爲之在左

駢馬輓上大如斗

馬在中曰服在外曰駢駢亦名駢

是爲德車五時車安立

亦皆如之各如方色馬亦如之白馬者朱其髦尾爲朱鬣云

後從爲副車耕車其飾皆如之有三蓋一曰芝車置轡耒耜

之簠上親耕所乘也

楊雄爲黃門郎居中數見輿輦玉螭華芝及鳳凰三蓋之屬皆玄黃五色飾以

金玉翠羽珠絡錦繡茵席賀循曰車必有爲而春獨爲路者爲鳳類而色青故以名春路也

戎車其飾皆

如之蕃以矛麾金鼓羽析幢駟轡胄甲弩之簠

漢制度曰戎立車以征伐

周官其矢簠通俗文曰箭簠謂之步郊注既夕曰服車箱也

獵車其飾皆如之重網纓輪

繆龍繞之一曰閼猪車親校獵乘之

魏武受漢獻帝命乘金根車駕六馬設五時副車景初中山

在縣黃龍見以爲魏得地統服色尙黃戎事乘黑首白馬正

始中詔出入必御輦乘輿獵車改名蹋武車

晉制五路爲天子之法車皆朱班漆輪畫爲棊文三十幅法
月之數重轂貳轄以赤油廣八寸長三注地繫兩軸頭謂之
飛鈴金薄繆龍之爲與倚較較重爲文獸伏軾龍首御輓左
右吉陽箭鸞雀立衡櫨文畫轂及轡青蓋黃爲裏謂之黃屋
金華施棹朱棹二十八以象宿兩箱後皆玳瑁爲鴨翅加金
銀雕飾亦謂之金鴨車斜注旂旗于車之左又加棨戟于右
皆橐而施之棨戟輶以繡繡上爲亞字繫大蛙蟆幡輓長丈
餘于戟杪以羗牛尾大如斗置左騂馬輓上是爲左騂輶皆
曲向上取禮緯山車垂句之義言不揉而曲曲玉金象三路
各以其物飾車革者漆草木者漆木玉路建太常十有二旒

九朝委地禮日月升龍以祀天金路建大旂九旒以會萬國

亦以賜上公及王子母弟象路建大赤通赤無畫以視朝及

賜諸侯革路建大白以卽戎兵及賜四鎮諸侯木路建大麾

以田獵其麾色黑亦以賜蕃國玉路駕六黑馬餘四路皆駕

四馬馬並以黃金爲文髦插以翟尾象鹿而鏤錫錫在馬面當顧者

金鑿而方鉉金鑿爲文旒以鐵爲之大二寸中央兩頭高如山形貫中以翟尾而結著之繁纓赤

屬易茸金就十有二五路皆有錫鸞之飾和鈴之響鈎膺玉

環鈎膺卽繁纓環馬帶環名龍轉華轡轉車轡頭爲龍象轡謂車衡上環受鸞者朱幘以朱纒

以爲法駕行則五路各有所主不俱出臨軒大會則陳乘輿

車輦旌鼓于殿庭又有五色立車安車各一台十乘名爲五

時車謂之五帝車天子所御則駕六餘並駕四建旂十二各

大典通考卷之三十三 七

如車色立車則正豎其旂安車則斜注駕馬亦各隨五時之
 色白馬則朱其鬣尾左右騂騂金鏤鏤錫黃屋左纛如金根
 之制行則從後五牛旗平吳後所造以五牛建旗車設五牛
 青亦在左黃在中白黑在右武帝太康中南越獻馴象詔作
 大車駕之載鼓吹十人使越人騎之元正大會入庭大駕鹵
 簿行則試橋道自後不見戎車駕四馬天子親戎所乘載金
 鼓羽旂幢驛置弩于軾上其建矛麾悉斜注又有雲罕車駕四
 建華車駕四凡二乘行羊車一名輦車其上如輶伏兔箱漆
 車司隸劉畫輪車駕牛以綵漆畫輪轂故名曰畫輪車上起
 殺劫其罪畫輪車四夾杖左右開四望綠油幢朱絲絡青交
 上路其東晉元帝踐極造大路戎路各一卽古金車之制無復
 充庭之儀至郊祀大事則權飾餘車以用六師親征則用戎

路去其蓋而乘之屬車但五乘而已加綠油幢朱絲路飾青
交路黃金塗五采其輪轂猶素兩箱無金錦之飾其一車又
是輅車舊儀天子所乘駕六時無復六馬之乘五路皆駕四
而已皆用黑是爲玄牡無復五時車有事權以馬車代之建
旗其上其後但以五木牛象五時車豎旗牛背行則使人輿
之取其負重致遠安而穩也旂常纏而不舒旆所謂德車結
旌者也惟天子親戎五旗舒旆所謂武車綏旌者也指南車
過江亡失義熙五年劉裕屠廣固始復獲焉及使工外張綱
補輯周用十三年劉裕定關中又獲司南記里諸車制度始
備輦車過江亦亡制度太元中謝安率意造焉及破苻堅于
淝上獲京都舊輦形制無差大小如一時人服其精記義熙

五年劉裕執慕容超獲金鉏釐豹尾舊式猶存

宋大明中尚書左丞蒯叔改造五輅依晉金根車加赤漆
樓畫玉飾諸末建旗十有二旒駕騶以玄復因漢安車章
施羽葆蓋以祀以金根爲金輅建青旗加玄馬以羽葆蓋以
寶象革木輅並擬玉輅以視朝革輅卽戎一輅並建赤旂
獨玄馬四木輅建赤麾以田駕赤馬四大事以駕五輅俱出
齊永平初伏曼容議齊德尚青車旗先青次赤次白次黑軍
容戎事宜依漢道行通之色因宋金車而循玉輅畫輪金塗
兩箱上望板前優游通綠金塗鏤鏤碧文箱鑿鏤金簿帖兩
箱外織成衣兩箱裏金塗鏤面釘玳瑁帖望板箱上帖金博
山優游上和鸞立花趺御鈴銀帶玳瑁簞優游下隱膝裏施

金塗鏤面花釘織成文優游橫前施玳瑁帖金塗花釘金塗
倒龍後損鑿銀玳瑁龜甲金塗受花奢望板金塗受福望龍
諸校飾輓及諸末皆螭龍首龍形板在車前銀帶花獸金塗
受福緣裏邊鏤鏤玳瑁織成衣裏金塗鏤面花釘外金塗博
山辟邪障鳳凰御花升蓋金塗鏤鏤二十八爪支子花黃錦
升衣複碧絹漆布緣油頂絳絲織成顏范赭舌孔雀毛複錦
綠紋隨陰懸諸珠蚌佩金塗鈴雲朱結仙人綬雜色眞孔雀
旹一轅漆畫車衡銀花帶衡上金塗博山四鸞鳥立花跌御
鈴龍首御輓插翟尾上下花奢絳綠絲的望繩八枚旂十有
二旂畫升龍竿首金塗龍御大駟幡眞旹檠戟織成衣金塗
旂駐及受福金塗雁鏤鏤安立牀在車中錦複黃紋爲安

立衣錦複黃紋幘泥八幅長九尺綠紅錦范帶織成花五輅
江左相承駕駟左右騂爲六施絳絲游御繩其重轂貳轄飛
輪幡赤油金紫眞眊左騂置左騂馬輓上金鏤方鉉繁音纓
金塗紫皮帶眞眊橫在馬腹前其鏤錫皆如古制初加玉輅
爲重蓋捷寶鳳凰綴金鐏環瑤玉蟬佩四角金龍御五采眊
又麒麟頭加以采畫首戴之竟陵王子良啓曰凡蓋圓象
天軫方象地上無二天之儀下設兩蓋之飾求諸志錄最爲
乖衷又假爲麟首加乎馬頭事不師古鮮或可施至建武中
明帝乃省重蓋等金輅之飾如玉輅而減少象輅減金輅玉
輅如象輅而尤減木輅如革輅建武赤麾首施大駟幡玉輅
金輅建碧旂象輅木輅建赤旂齊輦因宋制名小輿小輿卽古之輦

車軛車之流盛增其飾竹蓬箱外鑿鏤金薄碧紗衣織成菟錦衣箱裏及仰頂隱膝後戶金塗鏤面釘瑇瑁帖金塗松精登仙花釧綠四望紗萌子上下前後眉鏤鏤轅枕長角龍白牙蘭瑇瑁金塗校飾漆障塵板在蘭前金銀花獸攪天代龍師子鏤面榆花釧金龍虎扶轅輓上金鳳凰鈴鏤銀口帶星後梢瑇瑁帖金塗花脊銀星花獸幔竿杖金塗龍牽縱橫長綯又制臥轎校飾如坐輦不堪服用復制小輿形如輶車小行幸則乘之

梁車輅初因齊制天監三年五輅旗麾同用赤而游不異以從行運所尚也七年帝據周禮玉輅以祀金輅以賓今祀乘金輅詔下詳議周捨謂金輅爲齊車本不關於祭祀于是改

陵廟皆乘玉輅轡以朱絲梁制小轡似輅車金裝漆畫地八橫元正大會乘出上殿西堂舉哀亦如之行則從後又制步輿方四尺上施隱膝人輿上殿天子下賤通得乘之復制副輦加笨反步步本如輓車通轡朱絡謂之蓬輦

陳承梁末王琳縱火延燒車府至天嘉元年敕守都官尙書寶安侯到仲舉議造玉金象革木等五輅各五色副車皆金薄交龍爲輿倚較文豹伏軾蚪首御輓左右吉陽箭鸞雀立衡橫文畫轡綠油蓋黃紋裏相思橈華末斜注旂旗于車之左各依方色加棨戟於車之右輅以黻繡之衣獸頭幡長丈四尺懸于戟杪玉輅正副同駕六馬餘輅皆駕四馬並黃金爲叉髦插以翟尾玉爲鏤錫又以綵畫赤油長三尺廣八寸

繫兩軸頭古曰飛鈴改以綵畫蛙蟆幡綴兩軸頭卽古飛鈴遺象也五路兩箱後皆用玳瑁爲鵬翅加以金銀雕飾謂之金鵬車兩箱裏衣以紅錦金花帖釘上用紅紫錦爲後檐青絞純帶夏用簞冬用綺繡褥此後漸修具依梁制

後魏乘輿輦輅龍輦十六四衡轂朱班繡輪有雕虬文虎盤螭之飾龍首銜捉鸞爵立衡圓蓋華蟲金雞樹羽蛟龍遊蘇建太常十有二旂畫日月升龍郊天祭廟則乘之乾象輦羽葆圓蓋華蟲金雞樹羽二十八宿天階雲罕山林雲氣仙聖賢明忠孝節義遊龍飛鳳朱雀元武白虎青龍奇禽異獸可爲飾者皆圖焉太皇太后皇太后皇后助祭郊廟則乘之大樓輦輦十二加以玉飾衡輪雕綵輿輦輅同駕牛一十小

樓輦八衡輪色數與大樓輦同駕牛十二天子太皇太后
皇太后郊廟亦乘之馬輦重級其飾皆如之績漆直輦六左
右駢駕天子籍田小祀時則乘之臥輦其飾皆如之丹漆駕
六馬遊觀輦其飾亦如之駕馬十五匹皆白馬朱髦尾天子
法駕行幸巡狩小祀時則乘之馬輦天子三駕所乘或爲副
乘緇漆蜀馬車金薄華蟲隱起輶車駕駟金銀隱起出挽解
合步挽天子小駕遊宴所乘亦爲副乘金根車羽葆旒畫輦
輪華首綵軒交落左右駢太皇太后皇太后皇后助祭郊廟
籍田先鷺則乘之太和中詔儀曹令李韶監造車輅一遵古
式熙平中崔光等議造車服五輅並駕亦無經據

北齊車制多因後魏天保中乘太和中李韶所制五輅

後周司輅掌公車之政辨其名品物色皇帝輅十有二等一曰蒼輅以祀昊天上帝二曰青輅以祀東方上帝三曰朱輅以祀南方上帝及朝日四曰黃輅以祭地祇中央上帝五曰白輅以祀西方上帝及夕月六曰元輅以祀北方上帝及感帝神州此六輅通漆之而無他飾卽周之木輅遺象也馬皆疏面之旂就以方色俱十有二七曰玉輅以享先皇加元服納后八曰碧輅以祭社稷享諸先帝食三老五更享諸侯耕籍九曰金輅以祭星辰視朔十曰象輅以望秩羣祀十一曰革輅十二曰木輅此六輅漆畫之用玉碧金象革物飾諸末錫面金鈎就以五采俱十有二其輅之飾重輪重較加葺焉皇帝之輅與廣六尺有六寸畫輪輶衡以銀牙箱飾檠文內

畫以雜獸獸伏軾鹿倚較三辰之常元青蒼等旗畫續之六

仞曳地設和鑾以節趨行圓蓋方輿以象天地大衆初遣鄭譯閱視武庫

得建大機輦車龍輅十二加以玉飾四級六衡方輿圓蓋金

雞樹羽寶鐸旒蘇鸞雀立衡大六螭龍銜觀建太常畫升龍

日月駕二十牛又有象輦左右金鳳白鹿仙人羽葆旒蘇金

鈴玉佩初駕二象後以六駝代之並有遊觀小樓等輦駕十

五馬等合十餘乘皆魏天

興中所制宣帝咸復御之

隋開皇元年内史令李德奏後魏輿輦乖制請廢唯留太和

時李韶所制五輅後著令制玉輅青質重箱盤輿左龍右虎

金鳳翅畫幟文輓左立鸞金鳳一在軾前八鑾在衡二輪在

軾龍輅之上前設障塵青蓋裏繡旂帶金博山綴以鏡子下

垂八珮樹四十葆羽輪皆朱班重牙複轄左建太常十有三

旂皆畫升龍日月其長曳地右載關戟長四尺闊三尺黻文

旗首金鵄頭銜鈴及鏤垂以結綬駕蒼龍金鏤方鉉插翟尾
五焦鏤金纓十有二就皆五采繒屬爲飾天子祭祀納后
則乘之金輅赤質左建旒畫飛隼右建闕戟盤輿鳳翅等並
同玉輅駕赤騮臨朝會同饗射飲至則乘之象輅黃質左建
旒畫麟右建闕戟駕黃騮祀后土則乘之革輅白質挽以革
左建旒畫騶虞右建闕戟駕白輅巡狩臨兵則乘之木輅黑
質漆之左建旒畫元武右建闕戟駕黑騮田獵則乘之其五輅
並駕六馬馬飾皆同玉輅復制安車重輿曲轆紫油繡裏通
幘朱絲絡網朱鞶纓駕赤騮臨幸所乘按隋氏五輅遠酌周
禮旗旂藻飾近約漢
制文質相半隋制輦而不施輪通幘朱絡飾以金玉而人荷
之又依梁制副輦復制輿如輦而小宮苑私宴御之小輿方
形同幄帳自閤
內升殿御之

唐制天子玉輅祭祀納后所乘青質玉飾末金輅饗射祀還
飲至所乘赤質金飾末象輅行道所乘黃質象飾末革輅臨
兵巡狩所乘白質輓以革木輅蒐田所乘黑質漆之五輅皆
重輿左青龍右白虎金鳳翅畫莖文鳥獸黃屋左纛金鳳一
鈴二在軾前鸞十二在衡龍轡前設部塵青蓋三層繡飾上
設博山方鏡下圓鏡樹羽輪金根朱班重牙左建旗十有二
旒畫升龍其長曳地青繡綢杠右載闌戟長四尺廣二尺敵
文旂首金龍銜錦結綬及綬帶垂鈴金鏤方鈇插翟尾五焦
鏤錫鞶纓十二就旌旗蓋鞶纓皆從輅質唯蓋裏皆用黃五
輅皆有副耕根車青質三重蓋餘如玉輅安車金飾朱裏通
幘朱覆髮具絡餘並同隋制副輅耕根車安車皆八鸞四望

車制如安車青油繡朱裏又有屬車十乘曰指南車記里鼓車白馬車鸞旗車辟惡車皮軒車羊車與耕根四望安車爲十乘行幸陳于鹵簿則分前後大朝會則分左右輦七一大鳳二大芳三仙遊四小輦五芳亭六大玉七小玉輿三一五色輿二常平輿三腰輿大駕鹵簿先五輅以行

宋五輅及副輅多仍唐舊玉輅自唐顯慶中傳之曰顯慶輅親郊乘之制作精巧行止安重其制箱上置平盤黃屋四柱皆油畫刻鏤左青龍右白虎龜文金鳳翅襟花龍鳳金塗銀裝間以玉飾頂輪三層各施銀耀葉輪衣小帶絡帶並青羅繡雲龍周綴纓帶羅文佩銀穗毬小鈴平盤上布黃褥四角句闌設圓鑑翟羽虛匱內貼銀鏤香毬軾匱銀龍二銜香囊

銀香爐香寶錦帶下有障塵青畫輪轅銀轂乘葉三轆銀龍頭橫木上有銀鳳十二左建青旗十有二旒皆繡升龍右戟開戟繡黻文並青繡綳杠又設青繡門簾銀飾梯一柶又二推竿一銀鑰頭銀裝行馬青綰裏輓索駕六青馬馬有金面插鵬羽氈纓攀胸鈴拂青繡屣錦包尾文誕馬二在輅前飾同駕馬餘輅及副輅皆有之駕士六十四人金輅色赤駕六赤馬建大旂駕士六十四人象輅色淺黃駕六赭白馬建大赤駕士四十人革輅色以黃駕六駟馬建大白駕士四十人木輅色黑駕六黑駟馬建大麾駕士四十人其制皆同玉輅惟無玉飾五副輅並駕六馬駕士四十人用銀飾者皆以銅餘制如正輅政和三年議禮局上黃帝車輅之制玉輅箱上平盤黃屋

以下皆用舊頂輪三層內一層素輪頂上施金塗銀山花葉

銀銀八銀梯毯二平盤土布紅羅縐雲帶二周級祿色縐帶天

銀鑄首二十四四角句闊鏡圖鑑一十六青羅縐寶相花帶

火珠二十八香置設香爐紅羅縐寶相花帶香囊香寶銀結

緩二紅羅縐雲龍紋綬一紅羅縐龍鳳門簾一青羅縐銀

殺乘乘絨絨置綬前較並飾以金塗銀鑄首橫轅上施銀立

鳳一十二左連大常一十二旋右載闊戟綬數文杠綬一以

青縐紅首飾以銀鑄首金塗銀鑄首青犀牛角青縐縐裏索駕

青馬六馬有銀面縐縐下紫縐縐胸鈴拂青線縐縐紅錦包

尾又路馬二在轆前飾金轆赤質以金飾諸末象轆淺黃

同駕馬凡大祭祀乘之

質金塗銅裝以象飾諸末革轆黃質轆之以草木轆皂黑質

漲之四年詔改修正副轆除去闊戟改車箱兩轆文馬翅

左龍右虎之飾並用螭龍增益弓博山流蘇等數軼衡加和

鸞金轆朱質飾以金塗銀左右建太常大旂及輪衣絡帶等

色皆黃龍旂九旂駕馬以駟樊纓五采九就象轆金塗銀銅

鑰石左右建太常大赤輪衣絡帶等色皆紅大赤繡鳥隼七
旂駕馬赤飾樊纓七就革輅金塗銅鑰石左右建太常大白
輪衣絡帶等色皆淺黃大白繡熊皮六旂駕馬赭白樊纓五
就木輅金塗鑰石左右建太常大麾輪衣絡帶等色皆皂大
麾繡龜蛇四旂駕馬烏樊纓三就玉輅駕士六十四人餘皆
四十人紹興十二年玉輅成明年作金象革木四輅副輅不
設玉輅青色飾以玉通高十九尺輪高六尺三寸輻徑三十
九寸軸長十五尺三寸頂上剡爲輪三層象天圓外施青玉
博山八十一一名羅葉鏤以金塗龍文覆以青羅緞垂玉佩間以
五色垂翬尾曰流蘇一名纓帶頂四角分垂青羅表裏繡雲龍遇
雨則油黃繡翟之輅之中四柱象地方前柱卷龍平檠上布

錦褥前有橫軾後垂錦翰簾登車則自後卷簾梯級以登四面周以闌執綬官先自右升立于右柱下闌柱頭有玉蹲龍軾前有牌鏤曰玉輅以玉篆之上有玉龍二中設御坐純以黃香木爲之下有塗金蹲龍十六在平槃四圍下又有拓角雲龍金彩飾之前後左右各二前有轅木三鱗體昂首龍形轅木上策兩橫竿在前曰鳳轅馬負之以行次曰推轅班直推之以助馬力橫于轅後者曰壓轅車輪用榆圓數尺圍以鐵橫貫大木爲軸夾以兩輪皆彩畫每輪載鐵萬斤試之左建太常右建龍旂駕青馬六鏤錫鞵纓金鈴紅旄繡屈金包轡錦包尾青緇裏索引之駕士二百三十二人

詠馬十二人左右索百十二

十八人入轅馬十三人龍頭子二人前後抱轡各六人推竿四人拓又四人淨席四人前欄人員一人後欄人員一人前

擗馬八人後擗馬八人道路人員二人踏道二十人小拓文
四人小梯子二人燭臺二人香題翦子二人左右索人員二
人又有呵喝人員二教馬官二人奉輪將軍四人千牛衛將
將軍二人推輪軸官建八人抱太常龍旂官六人職掌五人
專知官一人手分一人庫子八人裝柱工匠二人金輅制如
諸作工匠十五人蓋殿儀鸞司十一人監官三員
玉輅高減五寸博山輪衣絡帶轅輻輪並以黃建大旂九旂
駕黃馬六駕士一百五十四人象輅大赤七旂駕赤馬六駕
士一百五十四人革輅大白六旂駕黃白馬六駕士一百五
十四人木輅大麾四旂駕黑馬六駕士百五十四人駕士服
色各從其輅大輅制政和初徐秉哲言祀天祭地乘大輦疑
非禮意禮制局請造大輅如玉輅唯不飾玉駕馬數如之樊
纓一就仍建大旂十有二旒龍章日月禮畢還齋宮則御大
輦赤質正方油畫金塗銀葉龍鳳裝其上四面行龍雲氣大

珠方鑑絲囊網珠翠結條雲龍鉤窠霞子四角龍頭銜香囊
頂輪施耀葉中有銀蓮花坐龍紅綾裏碧牙壓帖內設圓鑑
銀絲香囊銀飾勾闌臺坐紅絲條網帔錯中施黃褥上置御
坐扶几香爐錦結綬衣几輪衣絳帶並繡壓金根綾長竿四
銀裏鐵錫龍頭魚鉤錦膊褥銀裝畫梯柘叉黃羅綠席褥吧
梯杖褥朱索緋繒油靶主輦六十四人眞宗以舊輦太重命
別造減七百餘斤中興後存大輦平輦逍遙輦大輦又曰大
安輦赤質正方高十五尺三寸方十一尺六寸四柱平檠上
覆青絲錦上有天輪三層外施金塗銀博山八十一內有圓
鏡金塗銀頂龍一四面行龍十六火珠四輪衣青金鈴頂有
青羅十字分垂四角龍首銜犂牛五色尾四面拱斗外施方

鏡九柱圍以朱闌中設御坐曲几屏風錦褥下舉以長竿四
攢竹筋膠丹漆之竿爲龍首平梁下四圍結紅絲網芳亭輦
黑質頂如幕屋緋羅衣裙欄絡帶皆繡雲鳳兩面朱綠窗花
版外施紅絲網綢金銅粉錯前後垂簾下設牙牀句闌長竿
四銀頭銀飾梯行馬主輦百二十人鳳輦赤質頂輪下有
二柱緋羅輪衣絡帶門簾皆繡雲鳳頂有金鳳一兩壁刻畫
龜文鳳翅前有軾置香寶結帶下有句闌二重內設紅錦褥
長竿三銀飾梯行馬主輦八十人逍遙輦以樓欄爲屋赤質
金裝朱漆扶版二雲版一長竿二飾以金塗銀龍紅條輦官
十二人中輿之制赤質金塗四柱樓屋上有走脊金龍四中
起火珠凸頂四面不設窗障中有銜踏子制甚簡素祇應入

員服帽子宜男方勝額衫平輦又名平頭輦亦曰太平輦飾如逍遙輦而無屋輦官十二人又有七寶輦隆興二年爲德壽宮製高五十一寸闊二十七寸深三十六寸上施頂輪耀葉角龍頂龍滴子鐸子結穗毬下施紅絲裙網加綴七寶中設香木御座引手爲轉身龍靠背爲龍首靠杵子織以紅黃藤昇以長竿二竿爲螭首金塗銀飾焉小輿制如鳳輦而小下有句闌牙牀繡瀝水中設方牀緋繡羅衣錦褥上有小案坐牀皆繡衣踏牀緋衣前後長竿二銀飾梯行馬奉輿二十四人腰輿前後長竿各二金銅螭頭緋繡鳳裙襴上施錦褥別設小牀緋繡花龍衣奉輿十六人

遼五輅制與唐宋同車制小于輅小事乘之涼車省方及罷

獵並用之赤質金塗銀裝五綵龍鳳織藤油壁緋條蓮座駕以橐駝大鳳輦赤質頂有金鳳壁畫雲金翅前有軾下有杓欄絡帶皆繡雲鳳銀梯主輦八十人大芳輦仙游輦芳亭輦黑質幕屋緋欄皆繡雲鳳朱綠夾窗花板紅網兩簾四竿銀飾梯主輦百二十人大玉輦小玉輦逍遙輦櫻屋赤質金塗銀裝紅條輦官十二人與以人肩之天子用鞬絡臂綰其腰與小輿畧同宋制

金熙宗幸燕始用法駕世宗制作乃定大定十一年太常寺檢宋南郊禮鹵簿當用玉輅金輅象輅革輅木輅耕根車明遠車指南車記里鼓車崇德車皮軒車進賢車黃鉞車白鷺車鸞旗車豹尾車輶車羊車各一革車五屬車十二按五禮

新儀玉輅以青金輅以緋象輅以銀褐革輅以黃木輅以皂
蓋其物有隨輅色者有用別色者如玉輅用青絲繡雲龍絡
帶青羅繡寶相花帶青畫輪轅青釐牛尾此隨輅色者也若
象木革輅用緋用銀褐用黃及皂若至尊乘御踏床倚背踏
道之褥皆用紅錦座褥及行馬褥透壁輪簾三用銀褐黃青
羅錦三又大輦宋陶穀創意爲之至祥符中更造其制金玉
輅闕可見者象輅革輅木輅耕根皮軒進賢明遠白鷺羊車
革車大輦凡十有一耕根車青質蓋三重制如玉輅而無玉
飾皮軒車赤質上有漆柱貫五輪相重畫虎紋一轅進賢車
赤質如革車緋輪衣絡帶門簾並鳳上設朱漆床香案繡綾
衣一轅明遠車制如屋銳頂重簷勾欄頂上有金四角垂鐸

上層四面垂簾下層周以花板三轅白鷺車赤質周施花板
上有漆柱柱杪刻爲鷺鷥銜鵝毛筍紅綾帶柱貫五輪相重
輪衣皂頂緋裙緋絡帶並繡飛鷺一轅羊車赤質兩壁油畫
龜紋金鳳翅幘衣結帶並繡瑞羊二轅大輦詳見前篇七寶輦制如
大輦宋欽宗爲上皇製海陵自汴取而用之

元王輅青質金裝青綠藻井栲栳輪蓋外施金裝雕木雲龍
內盤碾玉福海圓龍一頂上匝以金塗鋤石耀葉八十一上
圍九者二中圍九者三下圍九者四頂輪衣三重上二重青
繡雲龍瑞草下一重無文輪衣內黃屋一黃素紵絲漈水下
周垂朱絲結網青紵絲繡小帶四十八帶頭綴金塗小銅鈴
青紵絲繡絡帶二頂輪平素面夾用青紵絲蓋四周垂流蘇

八飾以五色茸線結網五重金塗銅鈹五金塗木珠二十石
五又繫玉雜佩八珩璜衝瑀全金塗鍮石鉤挂十六黃茸貫
頂天心直下十字繩二各長三丈蓋下立朱漆柱四柱下直
平盤虛櫃中櫺三十下外枕二漆綰犀象鸚鵡錦雉孔雀隔
窠嵌裝花板櫃周朱漆勾闌雲拱地霞葉百七十有九下垂
牙護泥虛板并朱漆畫瑞草勾闌上玉行龍十碾玉蹲龍十
孔雀羽璽九水精面火珠七金圈焰銅照八輿下周垂朱絲
結網飾以金塗鍮石鐸三百綵畫鍮石梅萼嵌網眼中輿之
長轅三界轅句心各三上下龍頭六前轅引手玉螭頭三並
繫以蹲龍後轅方罨頭三枕頭十六銓以蹲龍三轅頭衡一
兩端玉龍頭二上列金塗銅鳳十二含以金塗銅鈴輿之軸

一輪二軸之攄羅二明轄蹲龍絰並青漆輪輻各二十四轂
首壓貼金塗銅轂葉八十一金塗鑰石擎耳戀攀四櫃前朱
漆金裝雲龍輅牌一牌字以玉裝綴輅箱四壁雕鏤漆畫填
心隔窠龜文華板上層左畫青龍右畫白虎前畫朱雀後畫
元武輅之前額玉行龍二奉一水精珠後額如之前兩柱青
茸鈴索五貼金鸞和大響銅鈴十金塗鑰石雙魚五下朱漆
軾櫃一櫃上金香毬金香寶金香合銀灰盤各一並黃絲綬
帶輅之後朱漆後轡一金塗曲戍黃紵絲銷金雲龍門簾一
緋紵絲繡雲龍帶二輅之中金塗鑰石鉸碾玉龍椅一靠背
上金塗圈焰玉明珠一左建太常旂十有二旂青羅繡日月
五星升龍左建闥戟一九旂青羅繡雲龍中央黃羅繡青黑

黼文兩旗綢杠並青羅旗首金塗鑰石龍頭二金塗銅鈴二
金塗鑰石鉞青纓綬十二重金塗木珠流蘇十二重龍椅上
方坐一綠褥一皆錦銷金黃羅夾帕一方輿地褥二勾闌內
褥八皆用襍錦綺青漆金塗鑰石鉞葉踏道一小褥五重青
漆雕木塗金龍頭行馬一小青漆梯一青漆柄金塗長托又
二短托又二金塗首青漆推竿一青茸引輅索二各長六丈
餘金塗銅鑲二黃茸綬一輅馬誕馬並青色鞍轡鞅勒纓拂
勒並青韋金飾誕馬青織金紵絲屨四青羅銷金絹裏籠鞍
六蓋輅黃絹大蒙帕一黃油絹帕一駕士平巾大袖並青絹
紵絲爲之至治元年詔定制鹵簿五輅是年玉輅成明年親
祀御之後復命造四輅制與玉輅同工未成而罷腰輿制以香木後背作山字牙

七寶粧雲龍屏風上施金圈煇明珠兩傍引手屏風下施
雕鏤雲龍牀坐前有踏牀喀提錦褥一座上貂鼠緣金錦條
褥緣喀提方坐象轎駕
以象凡巡幸則御之

明初大朝會設五輅玉居中左金次革右象次木駕出則乘
玉輅後有腰輿八人載之其後太祖以玉輅太多古惟祀天
用之常乘宜用殷輅洪武六年命禮官制木輅二一以丹漆
祭祀用之一以皮鞞行幸用之又作大輅高丈三尺九寸五
分廣八尺二寸五分輅坐高四尺一寸有奇上平盤前後車
櫺並雁翅及四垂如意滴珠板轅長二丈二尺九寸有奇紅
髹鍍金銅龍頭龍尾龍鱗葉片裝釘平盤下方箱四周紅髹
匡俱十二櫺內飾綠地描金綰獸六麟狻猊犀象天馬天祿
禽六鸞鳳孔雀朱雀翟鶴盤左右下有護泥板及車輪二貫

軸一每輪輻十有八其輞皆紅髹抹金銅鈹花葉片裝釘輪
內車心用抹金銅鈹蓮花瓣輪盤裝釘軸中纏黃絨駕轅諸
索輅亭高六尺七寸九分四柱長五尺八寸四分檻座皆紅
髹前二柱戔金柱首寶相花中雲龍文下龜文錦前左右有
門高五尺一寸九分廣二尺四寸九分四周裝雕木沉香色
描金香草板十二片旁門楣各二及明杖俱紅髹以抹金銅
鈹花葉片裝釘楣編以黃線條後紅髹屏風上雕描金雲龍
四其次雲板如之下三楣雕描金雲龍三其次雲板亦如之
俱抹金銅鈹花葉片裝釘亭內黃線條編紅髹匡軟座下蓮
花墜石上施花毯紅錦褥席紅髹坐椅靠背上雕描金雲龍
一下雕雲板一紅髹福壽板一并褥椅中黃織金椅靠坐褥

四圍椅裙施黃綺帷幔亭外青綺綠邊紅簾十扇輅頂并圓盤高三尺有奇鍍金銅蹲龍頂帶仰覆蓮座垂攀頂黃線圓條盤上以紅髹其下外四面地沉香色描金雲內四角地青緙五彩雲以青飾輅蓋亭內貼金斗拱承紅髹匡寶蓋闕以八頂圓以黃綺謂之黃屋中并四周繡五彩雲龍九天輪三層皆紅髹上安雕木貼金邊耀葉板八十一片內綵地雕木貼金雲龍文三層間緙五彩雲襯板八十一片盤下四周黃銅頂裝施黃綺瀝水三層每層八十一摺間繡五彩雲龍文四角垂青綺絡帶各繡五彩雲升龍圓盤四角連輅坐板用攀頂黃線圓條并貼金木魚輅亭前有左右轉角闌干二扇後一字帶左右轉角闌干一扇皆紅髹內嵌雕木貼金龍間

以五彩雲三扇共十二柱柱首雕木貼金蹲龍及線金五彩蓮花抱柱闌干內四周布花毯亭後樹太常旗二以黃線羅爲之皆十有二旂每旂內外繡升龍一左旂腰繡日月北斗竿首用鍍金銅龍首右旂腰繡黻字竿首用鍍金銅戟各綴抹金銅鈴二垂紅纓十二纓上施抹金銅寶蓋下垂青線帔錯踏梯一紅纓以抹金銅釵花葉片裝釘行馬架二紅纓上有黃絨匾條用抹金銅葉片裝釘有黃絹幟衣卽遮塵油絹雨衣青氍衣及油合扇梯紅油托叉各一輅以二象駕之玉輅亦駕以二象制如大輅而無平盤下十二桶之飾輅亭前二柱飾之以搏拊貼金升龍屏風後無上四桶雲龍及雲板之飾天輪內用青地雕木飾玉色雲龍文而太常旗及踏梯行

馬之類悉與大輅同大馬輦高一丈二尺五寸九分廣八尺九寸五分轅長二丈五寸有奇輦座高三尺四寸有奇餘同大輅輦亭高六尺四寸有奇紅髹四柱長五尺四寸有奇檻座高與輅同四周紅髹條環板前左右有門高五尺有奇廣二尺四寸有奇門旁榻各二後榻三及明杌皆髹抹金銅鍍花葉片裝釘榻心編以黃線條亭內制與大輅同第軟座上不用花毯而用紅毯亭外用紅簾十二扇輦頂屏圓盤高二尺六寸有奇上下俱紅髹以青飾輦蓋其銅龍蓮座寶蓋黃屋及天輪輦亭制悉與大輅同太常旗踏梯行馬之屬亦同大輅駕以八馬備鞍韉鞞轡鈴纓之飾小馬輦高廣減大輦一尺轅長丈九尺有奇餘同大輦輦亭高五尺五寸有奇紅

髹四柱長五尺四寸有奇檻座紅髹四周條環板前左右有門高五尺廣二尺二寸有奇門旁榻各二及明杌後屏風壁板俱紅髹用抹金銅鈹花帶片裝釘亭底紅髹上施紅花毯紅錦褥席外用紅簾四扇駕以四馬餘同大馬輦步輦高丈二寸廣八尺二寸有奇輦高三尺二寸有奇四周彫木五彩雲渾貼金龍板十二片間以渾貼金仰覆蓮座下雕木線金五彩雲板十二片輦四紅髹中二輦長三丈五尺九寸左右二輦二丈九尺五寸有奇俱以鍍金銅龍頭龍尾裝釘輦亭高六尺三寸有奇四柱長六尺二寸有奇檻座紅髹四周雕木沉香色描金香草板十二片抹金銅鈹花葉片裝釘前左右有門高五尺七寸有奇廣二尺四寸有奇門旁紅髹十字

榻各二扇雕飾沉香色描金雲龍板八片下雲板如其數後紅髹屏風上雕沉香色描金雲龍五屏後雕沉香色描金雲龍板三片又雲板如其數俱用抹金銅鍍花葉片裝釘餘同馬輦惟紅簾用十扇輦頂并圓盤高二尺六寸有奇其邁座輦蓋天輪幘衣之屬俱同馬輦大涼步輦高廣各丈二尺五寸有奇四面紅髹匡裝雕木五彩雲板二十片間以貼金仰覆蓮座下紅髹如意條環板如其數紅髹轅六中二轅長四丈三尺五寸有奇左右二轅長四丈有奇外二轅長三丈六尺五寸有奇前後俱飾以雕木貼金龍頭龍尾輦亭高六尺五寸有奇廣八尺五寸有奇柱紅髹前左右有門高五尺八寸廣二尺五寸有奇四周描金香草板十二片門旁榻各二

後桶三及明欵皆紅髹編以黃線條亭底上施墊氈加紅錦
褥并席紅髹坐椅一四周雕木沉香色描金寶相花靠背褥
裙帷幔與馬輦同內設紅髹卓二紅髹闌干香卓一闌干四
柱首俱雕木貼金蹲龍鍍金銅龍蓋香爐一并香題箸瓶紅
錦墩二外紅簾三肩輦頂高二尺七寸有奇又鍍金銅寶珠
頂帶仰覆蓮座高一尺三寸有奇垂攀頂黃線圓條四頂用
丹漆上冒紅氈四垂以黃氈爲如意雲黃氈緣條四周施黃
綺瀝水三層每層百三十二摺間繡五彩雲龍文或用大紅
羅冒頂以黃羅爲如意雲緣條瀝水亦用黃羅頂下四周以
紅氈爲帷黃氈緣條四角鍍金銅雲四亭內寶蓋繡五龍頂
以紅髹木匡冒以黃綺爲黃屋頂心四周繡雲龍各一輦亭

四角至輦座用攀頂黃線圓條四并貼金木魚輦亭左右轉角闌干二扇後一字帶轉角闌干一扇皆紅髹雕木渾貼金龍間以五彩雲板闌干內四周布席其飾及踏梯與馬輦同論曰周制五輅惟玉輅最尊天子乘以祀天建太常十有二旒蓋取法乎天之全數非臣下所敢擬出自金輅而下或以封同姓或以封異姓或以封四衛蕃國是天子之所乘者諸侯亦得而乘之先王豈不知上下等威之有辨哉蓋諸侯在外全乎爲君非若王朝之爲孤卿大夫者僅乘墨綬及夏篆而已自九命至于五命衣服車旗各視其命之數自九旒至于五旒長短多寡各視其位之等此先王所以經邦國而理民人者也漢魏去

周末遠建金根車以祀天猶古之玉輅也至于隋唐五輅之制如舊明太祖依準聖訓以爲木輅卽殷輅遂欲乘以祀天蓋取尙質不尙文之義焉然當時乘輿所用者不過大輅玉輅木輅而金革象三輅則王公卿士乘之天子不欲俯同焉雖曰爲之等差以明尊卑之別然非先王制作之本意也

六典通考卷百三十四

湖西閭鎮珩輯

禮器考

服冕

昔者黃帝作冕垂旒以蔽目黹纁以充耳至虞舜觀古人之象日月星辰山龍華蟲作會宗彝藻火粉米黼黻絺繡以五采彰施于五色作服汝明記曰有虞氏皇而祭深衣而養老夏后氏收而祭燕衣而養老殷人皐而祭縞衣而養老周人冕而祭元衣而養老皇之制無文蓋爵弁之類收純黑前小後大舁名出于幬幬覆也黑而微白前大後小孔子稱禹美黻冕書稱伊尹以冕服

奉嗣王詩稱商之孫子其服黼黻則夏商服章蓋與古
同周監二代典制詳密弁師掌六冕司服掌六服等差
有序古冠曰毋追章甫至周曰委貌委猶安也言安正
容貌章明也白虎通義云夏十三月爲正飾最大故曰
毋追言其追大也商十二月爲正飾微大故曰章甫尙
未爲極其本相當也周十一月爲正萬物萌小冠飾最
小故曰委貌委貌貌也記曰周弁殷髯夏收弁名出于樂繁
大也言所以自光人也髯名出于撫撫覆也言所以自
覆飾也收言所以中斂髮也齊所服而祭也其制之異
未聞三王其皮弁素衣則夏商而上非無弁也檀弓又謂
周人弁而葬商人曰而葬釋者曰爵弁一名冕廣八寸
長尺二寸繪其上似爵頭色所謂夏收殷髯者也然孔

子參酌四代獨服周之冕以其爲物小而加于眾體之上藻采備飾文不過中故可貴也秦滅去古制郊祭之服皆以衿玄至漢明帝始採周官禮記尙書諸儒說還備袞冕之服明帝以公卿袞衣黼黻擬于至尊復損略之晉宋以下互有改更後魏北齊服章奇詭隋唐始復舊儀宋明二代多仍唐制云

司服掌王之吉凶衣服辨其名物與其用事

用事祭祀朝會甸凶弔之事

王之吉服祀昊天上帝則服大裘而冕祀五帝亦如之享先

王則袞冕享先公饗射則鷩冕祀四望山川則毳冕祭社稷

五祀則希冕祭羣小祀則元冕

六服同冕首飾尊也饗食賓客與諸侯射也大裘羔裘也

袞卷龍衣也鷩裨衣也毳屬衣也周以日月星辰畫于旌旗而冕服九章登龍于山登火于宗彝尊其神明也九章初一

曰龍次二曰山次三曰華蟲次四曰火次五曰宗彝皆畫以
爲繒次六曰藻次七曰粉米次八曰黼次九曰黻皆希以爲
繒則袞之衣五章裳四章凡九也鷩畫以雉謂華蟲也其衣
三章裳四章凡七也翟畫虎雌謂宗彝也其衣三章裳二章
凡五也希刺粉米無畫也其衣一章裳二章凡三也元者
衣無文裳刺繒而已是以謂元焉凡冕服皆元衣纁裳凡
其事韋弁服韋弁又以爲韋爲眡朝則皮弁服皮弁之服十五
以爲裳王受諸侯凡旬冠弁服絢布衣亦積素以爲裳也
朝覲于廟則袞冕凡旬冠弁服絢布衣亦積素以爲裳也
弁師掌王之五冕皆元冕朱裏延紐大裘之冕蓋無旒不聯
數也延冕之服在上是以名焉紐小鼻在武上弁五采纁十
所貫也今時冠卷常替者廣表以冠權其舊象與五采纁十
有二就皆五采玉十有二玉筭朱紘纁雜文之名也合五采
後各十二所謂延延也每就間蓋一寸朱紘以朱紐爲紘也
紘一條屬兩端于武纁不言皆有不皆者此爲袞衣之冕十
二旂則用玉二百八十八鷩衣冕纁九旂用玉二百一十六
纁衣冕七旂用玉百六十八希衣之冕五旂用玉百二十元
衣之冕三旂王之皮弁會五采玉璫象邸玉筭之會會綬中
用玉七十二

也。堪讀如薄，借紮之。紮，紮結也。皮弁之縫中，每貫結五采玉十二，以爲飾。謂之紮，卽下祗也。以象骨爲之。經弁而加環，經其弁如爵弁而素，所謂素冠也。環，經者大如纆之麻，經纆而不糾。

禮書士服止于爵弁而荀卿曰：士韋弁，孔安國曰：雀韋弁也。劉熙釋名亦曰：以爵韋爲之，謂之韋弁。則爵弁卽韋弁耳。士冠禮次加皮弁三加爵弁，以爵爲尊，聘禮主卿贊禮服皮弁及歸饗餼服韋弁，以韋爲敬，則皮弁之上非韋弁則爵弁耳。爵弁士祭服而王哭諸侯服爵弁卽戎亦服之。士冠禮爵弁服繻裳緇袍，檀弓天子哭諸侯爵弁紂衣書二人爵弁執惠，雜記復諸侯以襲衣冕服爵弁服，子羔之襲皮弁一爵弁一元冕一爵廟祝宗人宰夫雍人皆爵弁純衣則爵弁，雖士祭服而天子諸侯大夫皆服之。鄭氏謂

弁冕之次制如冕但無纁耳其布三十升然古文弁象形則其制上銳若合手然非如冕也韋其質爵其色其笄紘玉飾各以其等爲之如皮弁制鄭氏釋士冠禮謂爵弁赤而微黑如爵頭然釋巾車又曰雀飾黑多赤少然雀之色固亦多而黑少鄭氏爲二說是自惑也宋皇祐三年詔問韋弁何服所執何王太常禮院奏杜佑通典韋弁之制晉以韋爲之頂少尖宋囚之爲車駕親戎中外戒嚴之服後周巡兵卽戎則服之自此以來無服其制三禮圖韋弁服王及諸侯卿大夫之兵服天子亦以五采玉十二節之古者非祭祀朝聘會同不執玉今韋弁既爲戎服于無執玉之文三禮圖誤不足據也

司裘掌爲大裘以其王祀天之服

大裘黑羔裘

中秋獻良裘

中秋鳥獸

遷毳因其良時而用之良裘玉藻所謂黼裘與

季秋獻功裘以待頒賜

功裘人功微歲終則會唯王之裘不會

屬

裘之

歲終則會唯王之裘不會

玉藻唯君有黼裘以視省

大裘非古也

天子祭上帝則大裘而冕。黼裘以羔與狐白雜為繡文。省當為繡。

禮不盛服不

充

禮盛者服充大

故大裘不裼

謂祭天也

天子玉藻十有二旒

前後逮延龍卷以祭

祭先王之服也。龍卷畫龍于衣。元端而

朝日聽朔

端當為冕

元衣皮弁以日視朝

遂以食卒食元端

而居

天子素帶朱裏終辟

謂大帶也

有虞氏服黻夏后氏山

殷火周龍章

黻冕服之釋也。舜始作之以尊祭服。禹湯至周

其明也。龍取

其變化也。舉圓殺直。目釋

天子直四角直圖無殺詩韎韐有奭以

作六師

韎茅蒐所染色也。韐韐也。合韋為之。奭赤貌。

林氏曰周禮無十二章之文惟有衮冕至元冕說者謂周

登三辰于旗冕服惟有九章然夫子于四代禮樂特曰服

周之冕取其文之備尊卑之有辨也何反去三辰之飾文

乃不足乎左氏謂旗有三辰何嘗謂衣無三辰王者象三辰之明歷代皆飾于衣周人特飾于旗有何意乎況上公冕服九章而王服亦九章將何所別與郊特牲曰祭之日王被袞以象天則十二章備矣鄭氏謂日月星辰之章此魯禮也夫被袞以象天周制固然何魯之足云豈有周止九章魯乃加以十二章之禮乎

秦郊社服皆以衿玄以從冕旒前後還延

衿繪也以火德尚

漢舊儀凡齊皆衣玄紺緇也衣絳領袞緣綳纁凍革帶鴻紺纁長冠緋青衣纁領袞綳纁白帶求雨皐緣衣緇褻霜纁衣冬射獵衣流黃仲夏衣黃高

西漢服制僅見此條然其文義殊不明

高帝詔羣

臣議天子所服相國何等議曰春夏秋冬天子所服當法天

地之數中得人和臣請法之中調者趙堯舉春李舜舉夏兒
湯舉秋貢禹舉冬四人各職一時制可高祖以竹皮爲冠及
貴常冠所謂劉氏冠也爵非公乘以上毋得冠劉氏冠初元
五年罷齊三服官齊國舊有三服官春獻冠幘縵爲首服秋
素爲冬服輕縵爲夏服貢禹奏故時齊三
服官輸物不過十笥方今齊三服官作工各
數千人一歲費數鉅萬天子納其言罷之

馬端臨曰秦出自西戎不習禮文是今而非古尊己而卑
人故滅六國後獲其君之冠以賜侍人獲其君之車以爲
副車烏能參考損益復先王車旗衣服之制漢初用事者
椎朴少文不過盡遵秦規而已

後漢永平二年初詔有司采周官禮記尚書皋陶篇天子冕
服從歐陽氏說乘輿備文日月十二章刺繡文備五采大佩

赤舄絢屨以承大祭冕廣七寸長尺二寸前圓後方朱絲裏

玄上前垂四寸後垂三寸係白玉珠爲十二旒獨斷云以其

綬采色爲組纓組纓屬小者以爲冕纓郊天祀地明堂則冠之歸人謂

冠其五郊迎氣衣幘袴襪各加方色衣裳玉佩備章采乘輿

刺史公侯九卿以下皆織成陳畱襄邑獻之云時東平王蒼

議曰日月星辰山龍華藻天王袞冕十有二旒以則天數所

有龍章日月以備其文今祭明堂宗廟圓以法天方以則地

服以華文象其物宜以降神明肅雖備思博其類也天地之

禮冕冠裳衣宜如明堂之制長冠一曰齋冠高七寸廣三寸

促漆纓爲之制如板以竹爲裏謂之劉氏冠祀宗廟諸祀則

冠之皆服衿玄絳緣領袖爲中衣絳袴絺示其赤心奉神也

委貌冠皮弁冠同制長七寸高四寸制如覆杯前高廣後卑

銳所謂夏之母追殷之章甫也委貌以皁絹爲之皮弁以鹿

皮爲之石渠論元冠朝服戴望曰元冠委貌也朝服布上素下緇帛帶素韋鞞通天冠高九寸

正豎頂少邪却乃直下爲鐵卷梁前有山展筓爲述乘輿所

常服深衣制有袍隨五時色袍者或曰周公抱成王宴居故

施袍單衣皁緣領袖中衣爲朝服云

司馬彪曰古者君臣佩玉尊卑有度上有韞韞如今蔽膝貴賤

有殊三代同之五伯迭興戰兵不息佩非戰器韞非兵器

于是解去紱佩畱其係璫徐廣曰今名璫爲璫以爲章表紱佩既廢

秦乃以采組連結于璫光明章表轉相結受故謂之綬漢

承秦制加以雙印佩刀之飾至明帝乃爲大佩衝牙雙瑀

璜皆以白玉乘輿絡以白珠公卿諸侯以采絲其視冕旒
爲祭服云

魏明帝始制天子服刺繡文後漢以來天子冕旒用眞白玉
珠明帝好婦人之飾改以珊瑚珠

晉郊禮天地明堂宗廟元會臨軒介幘通天冠平冕皐皐表
朱綠裏廣七寸長二尺二寸加于通天冠上前圓後方垂白
玉珠十有二旒以朱組爲纓無綏佩白玉垂珠黃大旒綏黃
赤纁紺四采衣皐上絳下前三幅後四幅衣畫而裳繡爲古
十二章素帶廣四寸朱裏以朱綠裨飾其側中衣以絳緣其
領袖赤皮爲韍絳袴絺赤舄未加元服者空頂介幘釋奠先
聖則皐紗袍絳緣中衣絳袴絺黑舄臨軒亦袞冕朝服通天

冠高九寸金博山顏黑介幘絳紗袍皁緣中衣拜陵黑介幘單衣其雜服有青赤黃白緗黑色介幘五色紗袍五梁進賢冠遠遊冠平上幘武冠其素服白帽單衣及過江服章多闕而冕飾以翡翠珊瑚雜珠侍中顧和奏舊禮冕十二旒用白玉珠今美玉難得可用白璇珠從之

宋制平天冕服更名鞞曰蔽膝其未加元服釋奠先聖視朝拜陵等服及雜色紗裙武冠素服並沿舊不改其冠委貌衣黑而裳素中衣以皁領袖玄冠章弁絳章戎衣復依漢法袴褶因晉初漢立秋日獵服細幘晉哀帝初博士議改用素元嘉六年徐道娛表不應素幘詔宜如舊泰始四年詔曰朕以大冕純玉纁玄衣黃裳乘玉輅郊祀天宗祀明堂又以法冕

五采纁玄衣絳裳乘金輅祀太廟元正大會諸侯又以飾冠
冕四采纁紫衣紅裳乘象輅小會宴饗餞送諸侯臨軒會王
公又以肅冕三采纁朱衣素裳乘革輅征伐不賓講武校獵
又以宏冕二采纁青衣裳乘木輅耕稼饗國子又以通天冠
朱紗袍爲聽政之服

齊制平天冠服郊廟臨朝服之舊袞服用織成建武中以織
太重以采畫爲之如金飾銀薄時亦謂爲天衣通天冠服絳
紗袍皐緣中衣乘輿臨朝所服臣下皆同拜陵則黑介幘服
無定色舉哀臨喪白袷單衣亦謂之素服

梁衣畫而裳繡十二章素帶朱裏以朱緣裨飾其側更名赤
皮鼓爲鞀餘同舊法又有通天冠服絳紗袍皐緣中衣黑舄

是爲朝服元正賀舉還儲更衣出所服也其釋奠先聖則阜
紗袍絳絰中衣絳袴襪黑舄拜陵則箋布單衣又有白袷單
衣代古之疑縗皮弁爲弔服爲羣臣舉哀臨喪則服之天監
七年周舍議禮有虞氏皇而祭鄭玄云皇畫鳳皇羽也皇是
衣非冕今袞服宜畫鳳皇王僧崇云冕服無鳳應改爲翟又
裳有圓花于禮無礙是畫飾如葩藻耳藻米黼黻並乖古制
今請改正并去圓花帝曰古日月星辰以一辰攝三物山龍
華蟲以一山攝三物藻火粉米以一藻攝三物是爲九章今
袞服畫龍則宜畫鳳孔安國云華者花也則爲花非疑若一
向畫翟差降之文將安寄又曰禮祀天服大裘而冕大裘不
存恐未有畫陸瑋等請作古大裘按鄭玄注司服云大裘羔

裘也未可爲據六冕服皆玄上纁下今宜以玄緇爲之制式如裘其裳以纁皆無文繡冕則無旒詔可

乘輿宴會服單衣黑介幘八年改服

白紗帽

陳乘輿御服皆採梁舊制徐陵等言後漢冕旒用白玉珠晉過江用珊瑚雜珠飾以翡翠侍中顧和奏用白璇璣子云白璇璣珠是也帝曰天下初定務從節儉應用繡織成者可彩畫金色宜塗珠玉之飾任用蚌也至天嘉初悉改定依天監舊制

後魏天興元年始制冠冕然未能得舊制太和中正定前謬更造衣冠至熙平二年太傅清和王懌等奏定五時朝服准漢故事五郊衣幘各如方色焉

後齊衰服皐衣絳裳裳前三幅後四幅織成爲之十二章絳絳袴襪赤舄通天金博山冠則絳紗袍皐絳中單其五時服則五色介幘進賢五梁冠五色紗袍又有遠遊五梁冠並不通于下大祭祀受朝臨軒拜王公皆服袞冕還宮及齋則服通天冠藉田冠冕璪十二旒佩蒼玉黃綬青帶青襪青舄拜陵黑介幘白紗單衣釋奠服通天金博山冠玄紗袍春分朝日青紗朝服青舄秋分夕月白紗朝服細舄俱冠五梁進賢冠合朔服通天金博山冠絳紗袍季秋講武出征告廟冠武弁黃金附蟬左貂襴類宜社武弁朱衣纂嚴升殿服通天金博山冠絳紗袍入溫涼室冠武弁右貂附蟬絳紗服征還飲至服通天冠廟中遣上將則袞冕還宮則通天金博山冠賞

祖罰社則武弁左貂附蟬元日冬至大小會皆通天金博山冠四時畋出宮服通天冠並赤舄明堂則五時俱通天冠各以其色服東西堂舉哀服白帟

後周司服掌皇帝十二服祀昊天上帝蒼衣蒼冕祀東方上帝及朝日青衣青冕祀南方上帝朱衣朱冕祭皇地祇祀中央上帝黃衣黃冕祀西方上帝及夕月素衣素冕祀北方上帝祭神州社稷玄衣玄冕享先皇加元服納后朝諸侯象衣象冕十有二章衣裳各六章凡十二等享諸先帝大貞于龜食三老五更享諸侯耕籍則服袞冕白龍以下九章十二等宗彝以下五章在衣藻火以下四章在裳衣重宗彝祀星辰祭四望視朔大射饗羣臣巡犧牲養國老則服山冕八章十

二等衣裳各四章衣重火與宗彝羣祀視朝臨大學入道法
門宴諸侯羣臣及燕射養庶老適諸侯家則服鷩冕七章十
二等衣三章裳四章衣重三章衰山鷩三冕皆裳重黼黻俱
十有二等通以升龍爲領襍冕通十有二旒巡兵卽戎服韋
弁田獵行鄉畿服皮弁皇帝凶服斬衰其弔服錫衰以哭三
公總衰以哭諸侯皆十五升疑衰以哭大夫十四升皆素弁如弁之環經一服凡大疫大荒大災則素服縞冠宣帝傳位太子自稱天元
皇帝冕二十四旒車服旒鼓皆加于前王之數常自帶綬及
冠通天冠加金附蟬見侍臣弁上有金蟬及王公有綬者弁
令去之

隋高祖將改周制詔曰郊丘廟社可依袞冕之儀朝會衣裳
宜用赤戎服皆尙黃在外常所著者通用雜色祭祀之服更

詳議太常少卿裴正奏曰後周制冕加爲十二與前禮數不同而色應五行又非典故謹案三代之冠其名各別六等之冕承用區分璫玉五采隨班異飾都無迎氣變色之文唯月令起于秦有青旂赤玉白駱黑衣與四時而色變全不言于弁冕五時冕色禮既無文難以經證後魏草創多參胡制故魏收稱爲違古周氏承統咸請用之輿輦衣冠甚多迂怪今立夏袞衣以赤爲質迎秋平冕用白成形既越典章須革其謬謹案續漢書禮儀志云立春之日京都皆著青衣秋夏悉如其色考尋故事唯幘從衣色今請冠及冕色並用玄唯應著幘者任依漢晉制曰可于是採東齊之法乘輿袞冕白珠十有二旒以組爲纓色如其綬黻纁充耳玉笄玄衣纁裳衣

山龍華蟲火宗彝五章裳藻粉米黼黻四章衣重宗彝裳重
黼黻爲十二章等衣襖領織成升龍白紗內單黼領青襖襪
裾革帶玉鉤鐔大帶素帶朱裏紕其外上以朱下以綠黻隨
裳色龍火山三章鹿盧玉具劔火珠鏤首白玉雙佩玄組雙
大綬六采玄黃赤白縹綠純玄質長二丈四尺五百首廣一
尺小雙綬二尺六寸色同大綬而首半之間施三玉環朱襪
赤舄舄加金飾祀圓丘方澤感帝明堂五郊雩禘封禪朝日
夕月宗廟社稷藉田廟遣上將征還飲至元服納后正月受
朝及臨軒拜王公則服之通天冠加金博山附蟬十二首施
珠翠黑介幘玉簪導絳紗袍深衣制白紗內單皐領縹襖裾
絳紗蔽膝白假帶方心曲領其革帶劔佩綬舄俱與上同若

未加元服則雙童髻空頂黑介幘雙玉導加寶飾朔日受朝
元會及冬會諸祭還則服之武弁金附蟬平巾幘餘服具服
講武出征四時蒐狩大射禡類宜社賞祖罰社纂嚴則服之
黑介幘白紗單衣烏皮履拜陵則服之白紗帽白練裙烏皮
履視朝聽訟及宴見賓客皆服之白紗單衣烏皮履舉哀則
服之胡寅曰古之聖王等級分明冕十有二章黻珽幅舄衡
尊重禮無與二非廣已以造大理當然也故晏平仲爲大國
之卿一狐裘三十年解衣罷冠以朝君子譏其隘隋文儉約
施之宮闈燕私可也與庶人同服而坐乎廟朝儉不中禮不
足以爲法矣

唐制天子之服十四大裘冕者祀天地之服也廣八寸長一
尺二寸以板爲之黑裘纁裏無旒金飾玉簪導組帶爲纁色
如其綬黼纁充耳大裘緇表黑羔裘爲緣纁裏黑領襍襟緣

朱裳白紗中單皂領青襟襪裾朱襪赤舄鹿盧玉具劔火珠
鏤首白玉雙佩黑組大雙綬黑質黑黃赤白纁綠爲純以備
天地四方之色廣一尺長二丈四尺五百首紛廣二寸四分
長六尺四寸色如綬又有小雙綬長二尺六寸色如大綬而
首半之圓施三玉環革帶以白皮爲之以屬珮綬印章鞶囊
亦曰革帶博三寸半加金鏤玉鈎鐔大帶以素爲之以朱爲
裏在腰及垂皆有裨上以朱錦貴正色也下以綠錦賤間色
也博四寸紐約貴賤皆用青組博三寸黻以緇爲之隨裳色
上廣一尺以象天數下廣二尺以象地數長三尺朱質畫龍
火山三章以象三才其頸五寸兩角有肩廣二寸以屬革帶
朝服謂之鞞冕服謂之黻袞冕者踐阼享廟征還遣將飲至

加元服納后元日受朝賀臨軒冊拜王公之服也廣一尺二寸長二尺四寸金飾玉簪導垂白珠十二旒朱絲紐帶爲纓色如綬深青衣纁裳十二章日月星辰山龍華蟲火宗彝八章在衣藻粉米黼黻四章在裳衣畫裳繡以象天地之色也自山龍以下每章一行爲等每行十二衣襟領畫以升龍白紗中單黻領青褙襪褙襪繡龍山火三章舄加金飾鷩冕者有事遠主之服也八旒七章華蟲火宗彝四章在衣藻粉米黼黻在裳鷩冕者祭海岳之服也七旒五章宗彝藻粉米在衣黼黻在裳絺冕者祭社稷饗先農之服也六旒三章絺粉米在衣黼黻在裳玄冕者蜡祭百神朝日夕月之服也五旒裳刺黻二章自袞冕以下其制一也簪導劔珮綬皆同通天

冠者冬至受朝賀祭還燕羣臣養老之服也二十四梁附蟬
十二首施朱翠金博山黑介幘組纓翠玉犀簪導絳紗袍朱
裏紅羅裳白紗中單朱領襍襪白裙襦絳紗蔽膝白羅方
心曲領白襪黑烏白假帶其制垂二條帛以變祭服之大帶
天子未加元服以空頂黑介幘雙垂髻雙玉導加寶飾三品
亦加寶飾五品以上雙玉導金飾六品以下無飾緇布冠者
始冠之服也天子五梁三品以上三梁五品以上二梁九品
以上武弁者講武出征蒐狩大射禡類宜社賞祖罰社纂嚴
之服也有金附蟬平巾幘弁服者朔日受朝之服也以鹿皮
爲之有攀以持髮十有二璫玉簪導絳紗衣素裳白玉雙珮
革帶之後有鞶褱以盛小雙綬白襪烏皮履黑介幘者拜陵
之服也無飾白紗單衣白裙襦革素襪烏皮履白紗帽者視

朝聽訟宴見賓客之服也金飾玉簪導冠支以玉紫褶白袴
玉具裝珠寶鈿帶青鞵白帽者臨喪之服也白紗單衣烏皮
履武德初因隋舊制天子讌服亦名常服唯以黃袍及衫後
漸用赤黃遂禁士庶不得以赤黃爲衣服襍飾太宗又制翼
善冠朔望視朝以常服及帛練襦袴通著之若服袴褶又與
平巾幘通用著於令其常服赤黃襦衫折上頭巾九環帶六
合鞵皆起自魏周便於戎事自貞觀已後非元日冬至受朝
及大祭祀皆常服而已顯慶元年長孫無忌等奏日月令孟
冬天子始裘以御寒啟蟄祈穀冬至報天服裘可也季夏迎
氣如之何可服伏請郊祀天地服袞冕罷大裘又新禮皇帝
祭社稷服絺冕四旒三章祭日月服玄冕三旒衣無章按令

文三公亞獻服衰孤卿服毳鷩是天子同於大夫君少臣多
非禮之中若降王一等則王服玄冕羣臣服爵弁既紃天子
又貶公卿周禮此文久不用矣請諸祭並用袞冕制可無忌
等又奏皇帝爲諸臣舉哀依禮著素服今令乃云白蛤白蛤
出自近代事非稽古請改從素服從之開元十一年中書令
張說奏準令皇帝祭昊天上帝服大裘冕永徽二年高宗用
之顯慶修禮改用袞冕則天已來用之令所司造二冕呈進
上以大裘不可通用於寒暑廢不用自是元正朝會用袞冕
通天冠大祭祀亦用袞冕餘諸服不復施用十七年朝拜五
陵但素服而已朔望常朝亦用常服其翼善冠亦廢唐六典
有白紗帽其下如裙襦襪皆以白舄朝聽訟燕見賓客皆以
進御亦用烏紗世傳明皇幸蜀圖山谷老叟出望駕有蒼白

巾者釋者曰服
諸葛武侯也

宋大裘之制開寶通禮皇帝服袞冕出赴行宮祀日服袞冕
至大次質明改服大裘而冕出次元豐儀注車駕赴青城服
通天冠絳紗袍祀之日服韡袍至大次服袞冕臨祭集賢校
理陸佃言先儒謂周祀天地皆服大裘而大裘之冕無旒非
是古者裘不徒服其上皆有衣故曰緇衣羔裘黃衣狐裘素
衣麕裘且冬裘夏葛以適寒暑郊祀天地有裘無袞則夏祀
赤帝與至日祭地祇亦將被裘乎然則王者祀上帝中裘而
表袞明矣至夏祀天神地祇則去裘服袞以順時序今欲冬
至禋祀服裘被袞餘祀天及祀地祇並請服袞去裘尙舊禮
部言隋制以黑羔皮爲裘黑緇爲領袖及裏緣袂廣可運肘

長可蔽膝案皇侃說祭服下有袍繭袍繭下有中衣朝服裼衣下有裘裘下有中衣則今之視郊中單當在大裘之下其袂廣狹之長短皆當如裘於是神宗始服大裘而加衰冕焉元祐元年禮部員外郎何洵直以陸佃所議可疑者八案周禮節服氏掌祭祀衰冕六人郊祀裘冕二人既云衰冕又云裘冕是衰與裘各有冕今中裘而表衰何以示裘衰之別古人雖質不應以裘爲夏服蓋冬用大裘當暑則以同色緇爲之記曰郊祭之日王被衰以象天諸儒或言臨燔柴脫衰冕著大裘或云脫裘服衰蓋裘衰無同冕兼服之理今乃以二服合爲一可乎記曰大裘不裼說者曰無別衣以裼之蓋它服之裘衰故表裘不入公門事天以報本復始故露質見素

不爲表襮而冕亦無旒鄭志云裘上有元衣與裘同色蓋趙
商之徒附會爲說不與經合古者齋祭異冠齋服降祭服一
等鄭氏云王齋服衾冕是衾冕者祀天之齋服也唐開元及
開寶禮以衾冕爲齋服裘冕爲祭服兼與張融臨燔柴脫衾
服裘之義合請從唐制詔如洵直議去黑羔皮而以黑緇制
焉政和禮大裘青表纁裏黑羔皮爲領襮襪朱裳被以衾服
中興後無存者紹興十三年詔有司如祖宗舊制以羔製之
禮部言關西羊羔天生黑色今有司涅白羔爲之不中禮制
不如權以緇代從之遂以衾襲裘冕亦十二旒焉衾冕之制
初因五代之舊廣一尺二寸長二尺四寸前後十二旒二纁
並貫真珠又有翠旒十二碧鳳銜之在珠旒外冕版以龍鱗

錦表上綬玉爲七星旁施琥珀餅犀餅各二十四周綴金絲
網釧以眞珠襍寶玉加紫雲白鶴錦裏四柱飾以七寶紅綾
裏金飾玉簪導紅絲條組帶亦謂之平天冠袞服素色日月
星山龍雉虎雌七章紅裙藻火粉米黼黻五章紅蔽膝升龍
二並織成間以雲朵飾以金釵花鈿窠裝以眞珠琥珀襍寶
玉紅羅襦裙繡五章青襍襪裾六采綬一小綬三結玉環三
素大帶朱裏青羅四神帶二繡四神盤結綬帶飾並用袞服白羅中
單青羅袂帶紅羅勒錦鹿盧玉具劔玉鏢首鏤白玉雙佩金
飾貫眞珠金龍鳳革帶紅鞞赤舄金釵花四神玉鼻祭天地
宗廟朝饗冊尊號元日受朝冊皇太子則服之乾德元年新
造郊祀冠冕帝以多飾珠玉華而且重命改製之景祐二年

改制袞冕天版廣八寸長一尺六寸減翠旒並鳳子前後二十四珠旒天板頂上青羅爲表采畫出龍鱗紅羅爲裏采畫出紫雲白鶴所有犀餅琥珀餅減不用金絲結網子上舊有金絲結龍八今減四亦減絲令細天板四面花墮子素墜子依舊減輕造冠身并天柱用青羅采畫出龍鱗金輪等七寶元真玉碾成金更不用補空卻以雲龍細窠分旒玉鈎二金減去之天河帶組帶款幔帶依舊減輕造納言用青羅采畫出龍鱗錦金棱上棱道依舊用金卽減輕製鞋續玉簪袞服八章日月星辰山龍華蟲火宗彝青羅身紅羅襪續造所有雲子相度稀稠補空更不用細窠亦不使真珠裝綴中單衣舊皂白製造裙用紅羅繡出藻粉米黼黻用回花樣仍舊減

稀製之蔽膝用紅羅繡升龍二雲子補空減稀製之周回依舊細窠不用六采綬依舊減絲織造所有玉環亦減輕帶頭金葉減去用銷金四神帶不用劍佩梁帶鞬舄並依舊治平二年李育奏曰袞冕之飾非事繁侈冕以周官爲本凡十二旒間以采玉加以紘紼笄珥之飾袞以虞書爲始凡十二章首以辰象別以衣裳繪繡之采由東漢至唐初無珠翠犀寶之飾自大裘廢纁用袞冕古樸稍去法度尙存今宜依舊以羅爲之冕廣一尺二寸長二尺二寸約以景表尺前圓後方黝上朱下以金飾版則以白玉珠爲旒貫之以五采絲繩前後各十二旒旒各十二珠相去一寸長二尺朱絲組爲纓黻纁充耳金飾玉簪導青衣纁裳十二章八章繪之於衣日月

星辰山龍華蟲火宗彝也四章繡之於裳藻粉米黼黻也錦龍標領織爲升龍山龍而下一章爲一行重以爲等行十二別製大帶素表朱裏朱絲終辟譚絃舄大小綬亦去珠玉鈿窠琥珀玻璃之飾其中單革帶玉具劔玉佩朱纁之制已中禮令無復改爲元豐元年詳定所言少府監袞服其裳八幅不殊前後有違古義請改正裳以七幅殊其前後幅廣二尺二寸每幅兩旁各縫殺一寸謂之削幅腰間辟積無數裳側有純謂之縛裳下有純謂之緡縛緡廣各寸半表裏合三寸群臣祭服袞倣此從之政和議禮局更上皇帝冕服之制冕版廣八寸長一尺六寸前高八寸五分後高九寸五分青表朱裏前後各十有二旒五采藻十有二就就間相去一寸青

碧錦織成天河帶長一丈二尺廣二寸朱絲組帶爲纓黹續
充耳金飾玉簪導長一尺二寸袞服青衣八章纁裳四章如
唐制蔽膝隨裳色繡升龍二白羅中單皂褌襪紅羅勒帛青
羅袜帶緋白羅大帶革帶白玉雙佩大綬六采赤黃黑白纁
絲小綬三色如大綬間施玉環三朱黻赤舄緣以黃羅延以
羅衣玄表朱裏長尺六寸前低一寸二分旁緣以金覆於卷
武之上纁五色貫五色玉前後各十二凡二百八十有八玉
笄充耳用黃縣紘以朱組一屬於左笄上垂下又屈而屬於
右笄繫之而垂其餘衣玄八章升龍於山裳纁四章幅前三
後四旁殺縫腰辟積褊緗之廣皆如舊大帶以緋白羅合而
紩之上朱下緣束以組爲紐約下垂三尺通天冠絳紗袍亦

如之白羅中單領襖襖以黻服裘則白皂絳紗袍則衣用白
紗領襖襖以朱綬大小各一大綬六采青黃黑白襖襖絳下
垂青絲綱上有結垂玉環三小綬制如大綬惟三色大裘絳
紗袍皆用之革帶博二寸革爲裏緋羅爲表飾以玉鏤組以
玉鈎鑿通天冠絳紗袍亦用之黻從裳色上有紕下有純去
上五寸繪以山龍火上接革帶繫之佩有衡琚瑀衝牙繫於
革左右各一上設衡衡下垂三帶貫以螭珠次則中有金獸
面兩旁夾雙璫次設琚瑀下則衝牙居中央兩旁有玉滴子
行則擊牙舄有紃純纁綦緋羅爲之加金飾服通天冠絳紗
袍則用黑舄烏皮爲之常服白舄以絲韞羅表緇裏施勒著
綦赤舄以朱黑舄以白白舄同通天冠二十四梁金博山附

蟬十二高廣各尺青表朱裏首施珠翠黑介幘組纓翠綉玉
犀簪薄絳紗袍以織成雲龍紅金條紗爲之紅裏皂襍襪裾
絳紗裾蔽膝如袍飾並皂襍襪白紗中單朱領襍襪裾白羅
方心曲領白襍黑舄佩綬如衰仁宗改承天冠高九寸乾道
九年又用履袍袍以絳羅爲之折上巾通犀金玉帶繫履則
曰履袍履襪則曰襪袍履襪皆黑革乘大輦則服通天絳紗
如常儀常服赭黃淡黃袍衫玉裝紅束帶皂文襪大宴服之
赭黃淡黃襍袍紅衫袍常朝服之窄袍便坐視事服之皆皂
紗折上巾通犀金玉環帶窄袍或御烏紗帽小冠間居所服
神宗始易以巾高宗後殿早講服帽子紅袍玉束帶或服頭
巾背子御閱服以金裝甲乘馬大閱則服之

遼以祭山爲大禮皇帝服金文金冠白綾袍紅帶縣魚三山

紅垂飾犀玉刀錯絡縫烏鞞小祀皇帝硬帽紅緯絲龜文袍

朝服寶魯袞原作實里薛袞冠絡縫紅袍垂飾犀玉帶錯絡縫鞞謂

之國服袞冕太宗更以錦袍金帶公服謂之展裏著紫皇帝

紫皂幅巾紫窄袍玉束帶或衣紅襖田獵幅巾擐甲戎裝以

貂鼠或鵝頂鴨爲扞腰以上國服祭服郊邱不建大裘冕服不書

袞冕制與唐同元日朝會服袞冕朝服通天冠諸祭還及冬至朔

日受朝臨軒拜王公元會冬會服之制與唐同元日上壽服通天

冠絳紗袍公服繫履翼善冠朔視朝用之柘黃袍九環帶白

練裙襦六合鞞常服謂之穿執言穿鞞執笏也柘黃袍衫折上頭巾

九環帶六合鞞

金冕制天板長一尺六寸廣八寸前高八寸五分後高九寸五分身圍一尺八寸三分并納言表用青羅紅羅爲裏週迴用金稜天板下有四柱四面珍珠綯結子花素墜子前後珠旒共二十四旒各長一尺二寸青碧線織造天河帶一長一丈二尺闊二寸兩頭各有眞珠金碧旒三節玉滴子節花紅線組帶二上有眞珠金翠旒玉滴子節花下有金鐸子二枚紅線款幔帶一鞋纒二眞珠垂繫上用金萼子二簪窠款幔組帶鈿窠款幔組帶鈿窠各二內組帶鈿窠四並玉鏤塵碾造玉簪一頂方二寸導長一尺二寸簪頂刻鏤塵雲龍袞用青羅夾製五綵間金繪畫正面日一月一昇龍四山十二上下襟華蟲火虎雌各六對背面星一昇龍四山十二華蟲火

各十二對虎雌各六中單一白羅單製羅領襖襖紅羅八幅
夾製繡藻三十一粉十六米十六繡三十二蔽三十二蔽膝
一帶縹襖並紅羅夾製繡昇龍二綬一幅大綬以赤黃黑白
絳襖六絳織紅羅托裏小綬三色同大綬銷金黃羅綬頭上
間施三玉環皆刻雲龍大綬五百首小綬半之緋白大帶一
銷金黃羅帶頭鈿窠二十四紅羅勒帛一青羅抹帶一玉佩
二白玉上中下璜各一半月各二皆刻雲玉滴子各二皆以
眞珠穿製金篋鈎獸面水葉環釘涼帶一紅羅裏鏤金上有
玉鵝七鉈尾束各一金攀龍口以玳瑁板襯釘腳舄重底紅
羅面白綾托裏如意頭銷金黃羅緣口玉鼻仁飾以珠襪用
緋羅加綿凡大祭祀尊號受冊則服袞冕行幸齋戒出宮或

御正殿則通元冠絳紗袍鎮圭大圭大定十一年太常寺按
禮大圭長三八拊上終葵首自西魏隋唐大圭長尺一寸與
鎮圭同今御府有故宋白玉圭圖無上綱及終葵首自西魏
以來所制玉笏皆長尺有二寸方而不折擬以御府所藏行
禮初太宗視朝始服赭黃自後御袍帶章宗以世宗喪有司
請御純吉不從乃服淡袍烏犀帶常朝服小帽紅襴偏帶或
束帶

元袞冕以漆紗上覆曰縹青表朱裏四周匝以雲龍冠之口
圍縹以珍珠前後旒各十二珍珠爲之縹左右黹縹二繫以
元統承以玉璫縹色黃絡以珠冠之周圍珠雲網結通翠柳
調珠縹上黃天河帶左右至地球鐲窠網結翠柳朱絲組二

屬諸筭爲纓絡以翠柳調珠簪以玉橫貫於冠袞龍服青羅飾以生色銷金帝星一日一月一升龍曰複身龍四山三十八火犛蟲虎雌各四十八袞以緋羅狀如裙飾以文繡十六行每行藻二粉米一黼二黻二中單白紗絳緣黃勒帛副之蔽膝緋羅有襍緋絹爲裏形如襜褕上著之繡複身龍玉佩珎瑪瑙衝牙各一璜二衝牙以繫璜珎下有銀獸面塗以黃金雙璜夾之次有衝下有衝牙傍別施雙的以鳴用玉大帶緋白二色羅合縫爲之玉環綬制以訥克實也金錦上三小玉環下青絲織網紅羅鞞紅羅爲之高勒履制以訥克實有雙耳二帶約飾以珠鞞以紅綾其冕制多與金同延祐七年命有司製袞冕如古式社稷祭服青羅袍白紗中單紅梅花羅裙藍織

錦銅環綬二紅織錦銅環綬百一十七紅織錦玉環綬紳
四紅梅花羅蔽膝百二十三革履白綾鞵白羅方心曲領黃
綾佩銅珩璜者百一十九玉珩璜者四藍素紵絲帶銀帶四
銅帶百一十九水角簪金梁冠一百七紗冠十獬豸冠二籠
巾紗冠四木笏紫羅公服黑漆幘頭展角全二色羅插領鍍
金銅莠枝帶角帶象笏十三枝木笏百一十枝黃絹單包複
素紵絲抹口青氈鞵皂鞵窄紫羅衫黑漆幘頭銅束帶黃絹
單包複皂鞵紫紵絲抹口青氈鞵濟遜漢言一色服也內庭
大宴服之冬服十有一等服訥克實金錦克獻爾里克剪茸
作估里則冠金錦暖帽大紅桃紅紫藍綠布哩頁蘇原作則冠
實里七寶重頂冠服紅黃粉皮則冠紅金褙子暖帽服白粉皮則

冠白金褙子暖帽服銀鼠則冠銀鼠暖帽加銀鼠比肩俗稱曰稱

子達呼原夏服十有五等服塔納圖訥克寶綴大珠于金錦原作答不都納

石則冠寶頂金鳳釵笠服蘇布特圖訥克寶綴小珠于金錦原作速不都納

石則冠珠子捲雲冠服訥克寶則帽亦如之服大紅珠布哩

頁蘇紅毛子塔納則冠珠緣邊釵笠服白毛子金絲布哩頁

蘇則冠白藤寶貝帽服馳褐毛子則帽亦如之服大紅綠藍

銀褐裏褐金繡龍五色羅則冠金鳳頂笠各隨其服色服金

龍青羅則冠金鳳頂漆紗冠服珠子褐七寶珠龍褙子則冠

黃雅庫特原作牙忽寶貝珠子帶後簷帽服青蘇普原作速夫金絲襪

子蘇普同回毛則冠七寶漆紗帶後簷帽

明冕制前圓後方元表纁裏前後各十二旒旒五采玉十二

珠五采縹十有二就就相去一寸紅絲組爲纓黻纁充耳玉簪導袞元衣黃裳十二章六章織於衣六章繡於裳白羅大帶紅裏蔽膝隨裳色繡龍火山文玉革帶玉佩大綬小綬均同唐制白羅中單蔽領青綠襪黃鞵黃舄金飾後更定冕版廣一尺二寸長二尺四寸冠上有覆元表朱裏餘如舊制圭長一尺二寸袞如舊制中單以素紗爲之紅羅蔽膝上廣一尺下廣二尺長三尺織火龍山三章革帶佩玉長三尺三寸大帶素表朱裏兩邊用緣上朱下綠大綬六采黃白赤元縹綠織成純元質五百首凡合單紉爲一系四系爲一扶五扶爲一首小綬三色同大綬間織三玉環朱鞵赤舄永樂冕冠皂紗爲之上覆曰緹桐板爲質衣之以綺元表朱裏前圓後方以玉衡爲冠玉簪貫紐紐

與冠武

足前體下曰武綏在冠之下亦曰武

并繫纓處皆飾以金縷左右垂黻

纁玉璜朱紘如舊制玉圭長一尺二寸刻其上刻山四以象

四鎮之黃綺約其下別囊韜之金龍文袞十有二章元衣八

章日月龍在肩星辰山在背火華蟲宗彝在袖

每袖各三

皆織成

領標襍裾

標者袖端襍者衣緣

纁裳四章織藻粉米黼黻各二前三幅

後四幅辟積褊褐如宋制中單素紗爲之青領標襍裾領織

黻文十三蔽膝隨裳色四章織藻粉米黼黻各二緣有紃施

於縫中玉鉤二玉佩二各用玉珩一琕一琚二衡牙一璜二

琕下垂玉花一玉滴二珠飾雲龍文描金自珩而下繫組五

貫以玉珠行則衝牙二滴與璜相觸有聲金鈎二有二小綬

六采

黃白赤纁綠元纁

質三小綬色同韞舄皆赤色舄用黑鈎純以

黃飾局

嘉靖八年更正其制冠以圓匡烏紗冒之旒綴七

黃裳衣

各六章洪武間舊制日月徑五寸裳前後連屬如

帷六章用緇絳膝隨裳色羅爲之上緒龍一下緒火三繫於

革帶大帶素表朱裏上緣以朱下以絳革帶前用玉其後無

玉以佩綬繫而掩之中單及圭俱如永樂間制朱鞅赤舄黃

纁緣元洪武元年定郊廟省牲皇太子諸王冠婚醮戒則服

通天冠絳紗袍

與唐制同

革帶佩綬與袞服同皮弁服朔望視朝

降詔降香進表四夷朝貢外官朝覲策士傳臚皆服之嘉靖

以後祭太歲山川諸神亦服之其制用烏紗冒之前後各十

二纓每纓綴五采玉十二爲飾玉簪導紅組纓其服絳紗衣

蔽膝隨衣色白玉佩革帶玉鈎鐔緋白大帶白鞵黑舄玉圭

長如冕服之圭有脊并雙植絳紗袍本色領襖襪裾紅裳但

不織章數中單紅領襖襪裾餘俱如冕服武弁服親征遣將

六典通考卷百三十四

青

服之嘉靖八年定制弁上銳色用赤上十二纓中綴五采玉
落落如星狀韠衣韠裳韠給俱赤色佩綬革帶如常制
佩綬及韠給俱上繫於革帶烏如裳色玉圭
視鎮圭差小刻上方下有篆文曰討罪安民常服烏紗折角
向上巾盤領窄袖袍束帶間用金琥珀透犀永樂更定冠以
烏紗圓之折角向上後名翼善冠袍黃盤領窄袖前後及兩
肩各織金盤龍一帶用玉韠以皮洪武中天子常服網巾嘉
靖七年酌古制更名曰燕弁冠匡冒以烏紗分十有二瓣金
線歷之前飾五采玉雲各一後列四山朱條爲組纓雙玉簪
服如古元端之制色元邊緣以青兩肩繡日月前盤圓龍一
後盤方龍二邊加龍文八十一領與兩祛共龍文五九社同
前後齊共龍文四九襯用深衣之制色黃袂圓祛方下齊負
繩及踝十二幅素帶朱裏青表綠緣邊腰圍飾以玉龍九元

履朱絲紅纓黃結白韞

論曰周官詳五冕之制而大裘之冕禮無明文後儒因之互滋異議有謂裘袞同冕者有謂裘冕無旒者有謂臨燔柴脫去大裘而服袞冕藻十有二旒者凡此皆禮家附會之說得彼而遺此未有以信其必然也夫言裘袞同冕者謂其衷裘而表袞也記曰盛服不裼大裘不裼如使服裘于內表袞于外豈不裼之義乎且冬至圜丘盛德在水其時裘與袞同服可也若夏曰祭地祇于方澤之上而亦以裘袞同服可乎夫言裘冕無旒者以天地尚質而無文也不知冕而無旒乃一命之服子男之國爲大夫者服之今以天子行郊天之盛禮而服一

命之服下同子男之大夫豈所以示尊敬又非陶匏瓦器之類也若夫臨燔柴而脫大裘經傳皆無明據特張融一人之說其冕之與袞同乎異乎未可知也至政和禮以黑緇代黑羔是大衣而非大裘則顯與經文戾矣隋文帝矯後周之失革除十二服而復古五冕之舊制可云卓特之見至唐長孫無忌等疑君與臣同服遂去鷩以下四冕自後人主所御者惟袞冕十二旒而已是又信今而不信古之過也